



## Universitätsbibliothek Paderborn

### M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii  
Flacci Declamationes. Auctoris Incerti Dialogus De causis corruptae  
Eloquentiae - Cvm Variorum Notis

**Quintilianus, Marcus Fabius**

**Lugd. Batav. ; Roterodami, 1665**

CCCLXIII. Vestiplaca pro domina.

**urn:nbn:de:hbz:466:1-12889**

S E R M O.

*Contra, ille suo nomine egisse dicet: investigasse, laborasse; illud preterea potens est pro illo; non potuisse dominum illum furti agere. Itaque judex quid pronuntiavit? nimisrum mihi furtum esse factum.*

CCCLXII.

*In vicem pulsatores patrum.*

**QUI PATERM PULSAVERIT, MANUS EI INCIDANTUR.**  
Duo adolescentes æquales juraverunt, ut alter alterius patrem cæderent. ceciderunt. petuntur manus: patres vindicant.

## S E R M O.

Fuisse duos sodales : patribus ex austero indulgentibus, s<sup>e</sup>pe  
coisse ad lusum, frequenter una fuisse. Quodam tempore cum al-  
ter ex his serius in convivium venisset, dixisse alterum, Fortasse  
te, ut solet, ille senex retinuit, sed non feret impune : ego illum  
verberabo : hunc deinde respondisse, Et ego tuum c<sup>a</sup>dam. Cum  
alternis verbis jactarentur mina ; & uterque metueret, ne inultum  
haberet patrem, jurasse in ultionem magis parentum, quam in-  
juriam.

CCCLXIII.

*Vestiplica pro domina.*

**MALÆ TRACTATIONIS SIT ACTIO.** Quidam pauper formosæ maritus, à peregrino vicino negotiatore, ter de stupro uxoris, adjecto pretio appellatus, vestiplicam dominæ habitu misit. Malæ tractationis reus est.

S E R M O.

*Maritus illo colore defendendus est, ut dicatur fuisse diligens custos pudicitiae uxoris: natura quoque sollicitus & sedulus. Cum esset de stupro uxoris appellatus, admiratum tantam peregrini negotiatoris audaciam: cum deinde etiam repetitus, suspicari aliquid etiam de uxore cœpisse, quantum nunc appareat, suæ naturæ potius vitio, quam culpa uxoris. Cum vero tertio quoque instaret adulter, non*

R r potuisse

potuisse dissimulare suspicionem & sollicitudinem suam: itaque quia putaret aliquid ante cum sua uxore loquitum adulterum per vestiplicam, advocasse illam, & quæsse, num aliquid de adulterio sciret: illam respondisse, innocentem esse dominam, & ne notam quidem negotiatori: denique si dubitas, me uxoris tue habitu mitte: videro, an possit discernere.

## CCCLXIV.

*Conviciator pauper occisus.*

Pauper ad divitis domum nocte conviciari solebat. Quodam tempore, dives processit, & insanire eum dicens, decem servis imperavit, ut eum domum ducerent. Cum iisdem occisus postero die inventus est. Dives cædis reus est.

## S E R M O.

*A parte divitis color ille introduci potest, ut dicatur pauper fuisse factiosus, aut turbulentus: habuisse hujusmodi furoris sui comites, quibus in insidiis dispositis, ipse tantum ad concitandam rixam se ostenderet: cæterum illos in præsidio haberet, si quid forte dives moliretur. Et hoc ipsa rei conditio monstrat: cum sit incredibile pauperem solum, & præterea nocte ad convitum diviti faciendum venisse. Quare enim die tacuit? quare in foro non maledixit? Apparet illum noctem expectasse, quo facilius comites absconderet. Paratum ergo ad rixam cum telo venisse. Divitem nihil tale suspicatum, magis insanire credentem, dedisse qui deducerent. Tunc vero pauperem quasi custodia excanduisse: accessisse & cæteros ejus conscos, qui dum eripere pauperem vellent, rixam concitaverint, & fortasse illum pauperem silentio occiderint, ne postea comprehensus pauper auctores facinoris cogeretur fateri. Et hoc dubie ponendum est: quæ constitutio in reliqua quoque causæ parte servanda est: nihil enim pro certo afirmare debemus: sed tantum suspicionem judicum à nobis alio prævertere. Ergo ab illis videri factam cædem, qui adhuc beneficio temporis latent: divitem super damna patrimonii, & tot servorum cædem reum esse.*

## CCCLXV.